



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

12. Quoniam merces vestra copiosa est in cælis.

urn:nbn:de:hbz:466:1-39463

Cor mundum crea in me Deus, & spiritum rectum innova in visceribus meis. Tametsi autem non sit in hac vita absoluta cordis munditia & puritas iuxta illud: *Quis potest dicere, mundum est cor meū, purus sum à peccato?* tamen est aliqua munditia fragilitati nostrae possibilis, & ad vidēdum Deum idonea, quando licet *in multis offendimus omnes*, ab illis tamen *acob. 3.* criminibus abstinemus de quo genere idem dixit, *Qui offendit in uno, factus est omnium reus.* Esi enim nemo sit purus à peccato leuiori & quotidiano, à grauioribus tamen puri esse possumus & debemus, ut fiduciam vidēdi Deum habeamus, iuxta illud Ioannis. *Si cor nostrum non reprehenderit nos,* *I. Ioan. 3.* fiduciam habemus ad Deum. Vnde eodem cap. quum dixisset. *Videbimus eum sicut est*, modum videndi subiunxit. *Omnis qui habet hanc spem in eo, sanctificat se sicut & ille sanctus est.* & paulò pōst. *Omnis qui peccat, non videt Deum, nec cognovit eum.* Tenenda igitur firmiter contra corruptiones hæreticas hæc sana doctrina de cordis nostri munditiae, non solum ut sincerè cum hominibus versemur, sed etiam ab omni peccati labo mundi simus, quia *sanguis Christi emundauit conscientias Hebr. 9.* nostras ab operibus mortuis ad seruendum Deo viuenti, ait Paulus.

12. Quoniam merces vestra copiosa est in celis.

Catholicæ Ecclesiæ doctrinam de meritis operū ex hoc loco evidenter stabiliter suggillat Caluinus his verbis. *Merita bonorum operum.* *Quod Papista in nomine mercedis ludunt, nullo negotio hic fucus diluitur.* Neque enim, ut somniant ipsi, mutua est relatio inter mercedem & meritum, sed gratuita est promissio mercedis. Deinde si reputamus quām mutilem sit ac vitiosum quicquid bonorum operum etiā ab optimis prodit, nullum unquam opus inueniet Deus mercede dignum. Hæc ille. Sed huic duplii cauillo facile responderetur. Est quidem promissio Dei gratuita; promissione autem semel facta, retributio non est gratuita, sed debita: non quia nobis Deus aliquid debet, sed quia eius quod gratuitè promisit, debitor factus est, & se ipsum negare non potest. Iustorum opera in pura charitate facta, maximè tolerantia persecutionis pro fide, de qua Christus hic loquitur, non sunt virtiosa, sed mercede digna, quatenus à Spiritu gratiæ proficiuntur, & sua dona coronat Deus. Vide pluta in opere nostro de iustific. lib. II. cap. 3. & seqq.

14. Vos